



□ 9
4186
12



人通事正續全本

揚州石天基著

家寶二集

人情世事須知
修身齊家要法

本衙藏板

門口 9
號 4186
卷 12

門口 9
號 4186
卷 11

石天基

人事通自叙

虹橋之側。予小構斗室。巢居於內。倚窗嘯傲。但見烟雲花柳。變態爭妍。會心之際。得趣欲仙。因憶小景如此。若夫名山大川。其景象又不啻千百倍矣。改賞之餘。喜察人情世事。或聞容議論。或觸已

序

序

昭和42年12月12日寄
和田大作氏贈

愚衷輒以俚言記之。日久成帙。予友熙公許子。過我齋中。見而謂曰。是書所載。皆通徹事情。利人甚善。亟宜付梓。公諸天下。何秘固一室為哉。予疴之曰。利世之書。古今嘉言。已汗牛充棟。以六經四子。何莫非利世者。奚取予俚言。愚見耶。許子笑曰。子

不嘗構虹橋書舍歟。以其近附城郭。無跋涉之勞。景雖無多。會心足樂。何殊吾子之撰言。如徑子嘉言。深奧為多。譬之山川火景。其柰為遠。雜至。凡捨難趨易。人情之常。子盍思乎。諄勸梓行。後贈書名曰人事通。予深愧赧。惟予一點

利人醒世之心。出緒至誠而已。若曰佛
有六通。此可為人事之一通。是予之
粒粟。何敢妄比於滄海也耶。
惺齋愚人石成金撰寫



傳家寶二集總目

人事通

人事通續集

時歷纂

俗語正訛

金言

除嫌約

除嫌二集

種福根

口筆誌

留心集

家訓抄計九種

遺訓

種子心法

保產心法

全嬰心法

時習事

時習編

嘉官捷徑

笑得好二集

快活心藥

快活方律解

快活方三集

益牋補

人事通

總目完

人事通

要法

人情世事須知
修身齊家要法

揚州石成金天基撰集

每日早起

唐人詩云。在家常早起。憂國願年豐。要知為家主者。早起。則家中子弟家人。孰敢懶睡。家人各執其事。勤儉為持。興旺日盛。但一日之計。在於寅。人至清晨。精神加倍。此時讀書。大有進益。此時做事。極有工勞。况家內雜事。又須早辦。諺云。早起三光。遲起三慌。早起

則門庭椅桌堂地各處。担掃潔淨。此家門光彩一也。頭面梳洗潔淨。衣帽穿戴齊整。此身體光彩二也。人客到來。熱茶奉敬。杯盤精美。此款待光彩三也。若或貪眠遲起。滿地灰塵。或有客到。頭蓬面垢。衣帽不整。旋烹茶湯。事事匆忙。豈止三慌。如果年老衰病。方可安寢遲起。亦須呼令子侄代之。

擦齒烏鬚不老神方

吾揚劉秉宇先生。年九十二歲。鬚髮不白。齒牙堅固。

容色少壯。予甚驚異。因備多金。執贄拜求。何術至此。珍秘再四。見予誠懇。家密傳此方。言人之元氣。每口清晨。統聚於口。切不可漱水。吐去。須用此藥。以白開水。指多。潛擦齒上下。漱水。徐徐嚥下。功效異常。但須於四十餘歲。即擦起。不可間斷。齒固而鬚髮黑者。永不自白矣。此方得之甚難。應驗多人。不可輕視也。

熟地黄

晒干

白蒺藜

去刺

破故紙

五味子

晒干

沒食子

黑黃者佳

地骨皮

去粗皮

旱蓮草

枸杞子

晒干

青鹽

用草紙酒濕透包放炭中
微火煨以上各一兩五錢

遼細辛 六錢

共末篩細磁罐盛貯不可出氣每早空心用滾水一
口將藥擦齒漱嚥停一時再吃八仙糕或牛乳

八仙糕

世人稟氣有二種有陰不足者如內熱乾咳口渴痰
火大便結燥小便黃赤之類有陽不足者如飲食不
消大便瀉利之類清晨食物各辨其宜食後洗面
陽不足之人宜用八仙糕最補脾胃肥壯身體

白朮

白茯苓

懷山藥

蓮實

芡實

各八兩飯
蒸熟

乾臨合
微炒

陳皮

甘草 各三兩

臘炒米 三斗 共八樣

每年臘月極凍之日炒糯米用大簸放天井中間鋪
開冷透以收臘氣同藥共磨篩細收磁罈內食時旋
入糖用滾水沖調○臘月磨此糕雖收三五年不蛀
不壞愈陳久功效更大若不在臘月炒磨多生虫蛀
網絲難以久收○罈放高燥處勿近地氣潮濕勿用
盛酒醜者○白糖須食時旋入沖調若同藥拌入糕

俱潮壞。○此糕最妙在不拘早晚。隨要隨有。多少稠稀。各隨人意。○用大新罈收貯。扎緊。勿走藥氣。另用罐取出若干。用完再取。則不致每日開泄藥氣。

牛乳

陰不足之人。可服牛乳。用極肥壯水牛。取乳。不可撒酥。不可和水。用粗磁碗滾水中。頓三四滾。清晨空心服下。最能滋潤臟腑。補益真陰。美壯容色。療治有病

不立志諸事難成

世上有二種無把柄人。自己拿捉不定。東扯西牽。首鼠摸稜。有始無終。易惑易動。諸事難成。亦不可與共事。湛甘泉曰。諸生爲學。必先立志。譬如作室者。必先固其基址。乃可建造。要知匹夫不可奪志。若一有可奪。豈謂之志。王陽明曰。夫學莫先立志。志之不立。猶如不種其根。而徒事培壅灌溉。勞苦無成矣。世之因

循苟且。隨俗習非而卒歸於污下者。總以志之不立也。所以學者。自始至終。無時無處。而不以立志為主。

立志是第一件事

予昔撰讀書十戒。首一條曰。立志若堅。反難為易。要知不但讀書。卽士農工商。俱各有本分當盡之事。若不先立堅固之志。則易者亦能動搖。何況其難乎。所以人不立志。則無成功。徒為勞苦耳。是以人生在世。立志是第一件事。要緊事。不與事之可有可無者比。

刻志勵行

人亦何常。惟志所造。一念激烈。則跬步千里。一念沉冥。則瞬息萬年。曾子三省。孟子三自反。皆從志上提醒。果能刻志勵行。將精神歸併一路。何堅之不破。何遠之不到哉。故曰。志高品高。志下品下。

做事要趁少壯之年

凡人立身。以六十年論之。前三十年容易做事。容易成人。因上有父兄之庇。下無妻孥之累。食肉衣錦。志

得氣盈精神強健稍一着肩立地可成偉器。所謂後生可畏也。爲後生者亦宜知自畏。如過三十年後。漸入老景。室家相牽。身口相迫。百務叢集。家政旁午。每每失身。多不能自立。故曰。少壯不努力。老大徒傷悲。

信行

提躬涉世。全憑忠信爲主。試看日用所與接者。或是父兄子弟。或是夫婦朋友。誰人可用詐。誰地可行詐耶。凡一言一行。皆從真實之心發出。不朝更夕改。不

外合中攜。不陽施陰設。如是則蠻貊之邦可行。況州里乎。故曰。自信人亦信。胡越皆兄弟。

威儀

威儀者。一身之觀瞻。衆目所視。威儀不端。則惰慢之氣。設於身體。召侮之媒也。必正其衣冠。尊其瞻視。飾其容止。左規右矩。聲律身度。則我不示人以慢。其誰敢慢我哉。

名節

名節。乃一身之大閒。植之甚難。敗之甚易。天地在上。鬼神難欺。暗室屋漏之中。指視甚嚴。若不於此時常自檢點。念頭起處。少有差錯。以致毀名裂節。則明有人非。幽有鬼責。得失一時。榮辱千載。可不畏哉。

少管閒事。遠避是非。

人之精神有限。養重於家。爲無事逸民。豈不快活。若或應酬世務。關涉不緊要之事。夫爲人解結釋忿。固是厚德。然是非之門。容易招尤。若無涉世才能。平其

直。剖其曲。自必空勞神力。以面皮向人弄巧成拙矣。若事不切已。付之不聞可也。昔人云。練事何如省事。閒諺云。能管不如能推。各宜深佩此言。

謙虛

謙受益。滿招損。要知天道下濟而光明。君子哀多益寡。師德乾唾。淮陰受跨。不失爲英雄。氣槩誠能謙。謙自牧。氣易逞而持之以平。志易盈而守之以虛。不自知者。愚人。不自是者。非人。不自上者。下人。所謂汝惟

不矜。天下莫與爭能也。

怒

易發而難制者。惟怒爲甚。但能於怒時。忘其怒而觀理之是非。則可怒者在彼。不在我矣。要知理勝氣則平。氣勝理則怒。惟觀理之是非。卽可以止怒。如怒仍未止。當以孔聖忿思難之說以遏之。嗟乎。一朝之忿。忘其身。以及其親。何其失算。想至此。便冷然永消。

怒有三損

盛怒炎烈。其損有三。內乖天和。一也。外失人表。二也。重怒之下。過爲峻急。難於承奉。刑罰不中。三也。學問變化。正在此處煅煉。

喪心

讀孟子知人之所以異於禽獸者。此心耳。若喪失其心。違背天理。不仁不義。不孝不弟。卽禽獸矣。雖身爲卿相。金穴銀山。與此心何加損哉。王陽明云。若違了天理。卽與禽獸無異。便是偷生。

立身歌

奉勸少壯人。辛勤思成業。越此青春年。不愧古豪傑。
已過常檢點。閒事休干涉。毋輕賤與貧。毋附炎與熱。
度量要寬洪。識見要妥貼。莫貪不義財。莫作無辜孽。
積善世相繼。綿綿延瓜瓞。

莫學不緊要之事

世上諸不緊要之事。切不可習學。卽琴棋書畫之類。
雖於道理無害。然或閒涉一二。爲游藝則可。若專意

偏好。必致曠廢時日。徒耗精神。將正事俱悞。大爲無
益。在清雅之事。尚且如此。何況他事。

齊家

齊家要法。起於閨闈。蓋閨闈之內。情常勝理。而恩常
掩義。則惟節之以禮。禮者。所以正倫理。別內外。齊家
人之不齊。以歸於齊也。然一身之淑慝。關係一家之
興廢。大抵父要嚴。子要孝。兄要友。弟要恭。夫婦要相
朋友。要信。若或愛憎失宜。好惡易向。何能令家庭骨

肉之間雍雍肅肅有相好而無相尤哉。朱文公曰：讀書起家之本，循理保家之本，勤儉治家之本，和順齊家之本，得其本則未自理矣。諺云：男務耕，女務織，論治家此第一。蓋身正則家正，若家無善教，則戈矛起於衽席，其害也莫甚於卑幼爲政，恣其無厭之情，猶莫甚於婢子造言，而婦人悅之，婦人附會而丈夫信之。家之索不由此起乎？至於子怨父貧，弟攘兄富，妻妾視豐嗇爲悲歡，奴僕視盛衰爲勤惰，市道不在門。

外矣

敬天地

人生父天母地。今日得耕田而食，鑿井而飲，安居樂業，俯仰無累，非天地之鹿乎？將何以上答洪恩？惟每日於夙興夜寐之時，淨心潔念，盥手焚香，遙空叩首，以謝賜一日之福，行事不可欺天，以仰報萬一耳。

治家以敬長爲第一

前人云：幼不事長，賤不事貴，不肖不事賢，謂之三不。

祥。凡家之父兄。國之君長。與夫內親如叔伯。外親如姑表。一切年高德高。位高識高者。皆是長上。俱當加意愛敬。坐讓席。行讓路。口不得亂談事。不得專行。賢智不敢先。富貴不敢加。方是卑幼之道也。

時常畏懼王法

朝廷申設律法。不過禁民為非。實所以保全之也。每有玩法者。藐律令為閒話。安刑罰為枕蓆。辱父母之遺體。汗祖宗之清名。豈非自作之孽乎。必須視律令

所禁凜如雷霆。刑罰所在。赫若鼎鑊。庶可保全身家。以為太平之良民也。諺云。懼法朝朝樂。即是此義。

早完賦稅

諺云。家要寬。先完官。要知身享清平之福。皆賴聖天子所賜。但我潛居草莽。無可上答。主恩惟勤。力農畝。致五穀豐登。夏稅秋糧。爭先輸納。自是良善之民。若或任意花費。轉將賦稅。延玩臨時。官差追比。甚至遭刑受辱。自必舉貸。出息家財。破敗俱由於此。

嚴肅閨門

夫閨闈之中。非狎昵之所。上承宗祀。下範子孫。夫婦相敬如賓。方成內政。每有好藝者。視妻妾如狎客。以房闈爲樂地。放情恣慾。無所避忌。但縱淫於已。祇以導淫於人。子孫不肖。婢僕爲奸。自作之偏也。

長幼名分要正體統

長幼名分。世次原有定額。卽稱謂不容假借。坐次不容紊亂。無論遠族近族。同鄉異鄉。俱照兄弟叔侄序。

列名門舊家之禮。原自如是。又有尊庶母爲嫡。躋妾爲妻者。有壻坐岳翁上。甥坐外祖上者。有出嫁女歸寧而輒居客位者。是何體統。是何綱常。羅念庵家於歸寧之女。依世次別設一席。可法也。

族中孤寡要加矜恤

孤兒寡婦。乃天下窮民無告者。卽名門右族。多有失所。文王首先哀矜。况族中不幸有此。無論親疏。皆當念其爲我祖宗骨脉。有孤子。嫁孤女。老而無所依者。

曲加調護。令不至於流離顛沛。貧者恤之。善言富者恤之財穀。若任其孤苦伶仃。展轉溝壑。不惟族人怨之。而祖宗亦不祐之矣。

奴僕不可改姓

奴僕家人。各有本姓。雖有貴賤之分。然而各有宗支世系。切不可改爲我姓。不但絕彼後裔。倘年漸久遠。生子繁多。未免以僞雜真。亂我世系矣。

厚姻里

事甚多。而實在利人的事甚少。豈不大加慚愧。急急改悔。急急修積。還嫌遲也。

諸事都要預慎

父母要在生前盡孝。若到死後。雖三牲五鼎。日日齋醮。止充生人肚腸。止供生人眼目。有何益處。教子要在幼小時。卽嚴加訓誨。若已經長大成人。其頑劣性情。自然習慣。再去教戒。予恐教戒不來。身體要於平常時日。起居行止。留心調攝。若已經染病。雖幸而醫

好。予恐不能強健如初矣。治家要於豐足時常加勤儉。惟恐貧乏而致仰面求人。則決不至於貧乏而致仰面求人。若任意奢靡。家業消耗。再去創立。甚是難爲。火燭要小心。平常勸之不聽。若一遭火災。家業立時成灰。追悔不及。盜賊要預爲謹防。若已經被竊。或告官捕緝。或四路訪拏。予恐無益而反費現銀。言語要謹慎。若說話不肯留心。信口亂談。及至失言。雖極意挽回。亦挽回不來。世上諸事。都是如此。皆因預先

不謹慎之所致也。事後追悔。徒費心力。中庸云。凡事豫則立。不豫則廢。世人豈可不三復此言。

讀書全要體行

讀書不在記誦。全要身體力行。若不身體力行。雖讀書五車。究竟書是書。我是我。全不相干。夫聖賢垂訓。教人之意。欲令天下後世。凡讀聖賢書者。皆效聖賢所爲。若徒以記誦詞章之學。倖取科第功名。不亦爲聖賢之罪人乎。

讀書切忌貪多

讀書不在貪多。只要章句少而熟讀精思。久而義理自然貫通。若或貪多則不熟。務博則不精。欲速反遲。此是學人大病。俗云。貪多嚼不爛。意正如此。

讀書要時常溫習

天下善讀書者。不如善理書。書若不理。雖極熟之書亦必遺忘。何況於半熟之書乎。書若不理。雖有大聰明記性。亦必遺忘。何況資質庸常乎。所以讀書既要

勤勤熟讀。又要勤勤熟理。則時復思繹。浹洽於中。而自無扞格難通之病矣。若或讀而不熟。熟而不理。是徒有讀書之名。而無讀書之實。不可謂之讀書人也。

書分四等

天下之書極多。予意約分四等。有宜熟讀者。有只宜熟看者。有存備考核者。有切戒入目者。卽如四書本經。以及得意好文。嘉言法語。必須讀而文讀熟記於心。更須時加溫習。不可少有遺忘。至如後賢講解歷

代史鑑。以及事實典記。則選其語句緊要者記之。餘則熟看。不必盡讀。亦不能盡讀也。再若韻府韻端。字彙經濟醫藥技藝等書。看完存之以備稽者。下而至於俚俗雜書。淫艷詞曲。其中不獨並無學問。而且傷風敗俗。搖惑人心。凡遇此等書。見之卽付水火。不必入目。如此分別。絕有見識。不然。藜藿先已飽滿。後來雖有佳餚美味。反吃不下矣。豈不可惜。

世上要緊。惟在耕讀二事

人生在世。惟讀書耕田二事。是極要緊者。蓋書能讀得透徹。則理明於心。做事自不冒昧矣。用力南畝。則養贍有賴。俯仰無慮。卽不能躬親耕種。亦當專心督率。若不讀書。何以立身行道。顯親揚名。若不耕田。何以仰事父母。俯畜妻子。唐人詩云。天下良圖。讀與耕。要知一切事。總不如此。二事之高貴安穩也。

士

士爲齊民之首。寧獨以安。采表見於世。須要以行誼

先焉。夫士先德行而後文藝科名乃其次者。彼其所
得於天甚厚。幸而人不物也。幸而中國不夷狄也。幸
而男子不婦人也。幸而四大俱全不支離也。幸而讀
書識道理不憊懣也。有此五幸。不思刻志苦行。爲世
間大丈夫。而徒着青衿。誇耀鄉里。豈稱夫哉。世亂時。
志士仁人。尚思做好人。幸逢太平。復爾溫飽。不思做
好人。更欲何爲也。語云。進取功名易。變化氣質難。須
痛加猛省。莫負好衣冠。今日能砥礪名節爲孝子順

弟。則他日必能爲忠臣貞友。未有寡廉鮮恥。不孝不
友。而能標名竹帛。垂芳萬年也。予願爲士者。寧雄飛
毋雌伏。寧玉碎毋瓦全。所讀者好書。所說者好話。所
行者好事。所親者好人。聖賢與游。真鼎自愛。如玉之
在石。金之在冶。女子之在蟻。其有所不爲者。乃其真
能大有爲者也。必如是而後人品功業。卓然爲天下
第一等人。無忝七稱矣。嗟乎。自世之偷也。而士風不
美。真士無論已。俗士日日呶唔。徒知在口上做生活

不知向身上做生活。孝衰於妻子。友衰於貨賄。名喪於刀筆。金散於博徒。夢沉姬閣。屈首公門。不爲耀治之金。則爲償贖之駒。士讀聖賢書。所學何事。而乃作如此伎倆。瞻對宮牆。何以爲心。平旦自念。何以爲人。窺鏡自照。何以施面目。是名教之罪人。士之羞也。

士品

陳眉公曰。做秀才如處子。要怕人。既入仕。如媳婦。要養人。歸林下如阿婆。要教人。爲士者。持身不高立一

步出人頭地。是塵裡振衣。泥中濯足。如何有超拔處。所以士品欲超。不欲隘。首改過。次勿欺。次畏陰隲。畏清議。畏苟取。方是高品。

士志

仲舒不窺園門。倪寬帶經耘鋤。前人焚舟塵甑。志上進也。爲士者。首先立志。須要抖擻精神。一意尋向上去。如撐水上船。如赴軍中期。直到大休歇處。方肯息肩。則志超者品亦超。方成宇宙奇男子。

士趣

多少伶俐漢。只被那卑瑣情態。擔擱一生。若做個出頭人。直須放開胸次。令眼界大。局面大。若翥飛魚躍。若光風霽月。若泰山喬嶽。絕不掛過去現在未來。想方是真識趣。

士習

人生自朝至暮。須要逐時檢點。甚勿當面蹉過。宜早起。不宜貪睡。宜寡交。不宜濫與。宜靜坐。不宜喧鬧。宜

謹口。不宜肆舌。宜近君子。不宜親匪。八宜朝暮溫習書文。不宜散步閒遊。宜閉戶默想。不宜羣聚妨業。宜流芳青史。不宜玷辱家聲。如是則士習正矣。

士養

爲士者藉舉業以取科第。非潛心經史成遠到之器。他時眼光落地。這個六尺軀。有何結局。必一意向學。黃卷中日與聖賢對。一切身念。家念。聞見念。交際念。遊戲念。盡行謝却。刺秦之股。下董之帷。則水到渠成。

瓜熟蒂落。乘此取青紫。如丈人之承蜩。直掇之耳。

士操

禮義廉恥是謂四維。爲七者氣節爲上。功名次之。不可奔競。爲自獻之璞。伏在車下。泣血孫陽。何其陋也。甘進若飴。不羞牛後。何其醜也。詆訶朝政。挾制長吏。何其橫也。提躬涉世。今要在青天白日上著脚。方是大丈夫最上氣槩。

士學

濂洛關閩。理學之祖。士人高山仰止。景行前哲。宜發揮性命。剖析微妙。以羽翼聖真。提醒羣蒙。又要着着實實。從日用上去體驗。不可如邯鄲學步。恰人殘羹。餘唾。又不可周冠孔裳。假講學爲媚灶弔譽之階。方是真儒。方是真理學。黃履翁曰。願士夫務道學。不願立道學之名。真格言也。

士神

人之一身。全靠這精神幹事。精神不旺。昏沉到老。做

一切諸事。都以養神爲要。然而養神更是舉業最上工夫。戒大醉。大醉耗神。戒貪色。貪色滅神。戒厚味。厚味昏神。戒多食。多食悶神。戒多事。多事亂神。戒多言。多言損神。戒多憂。多憂鬱神。戒多思。多思撓神。戒久睡。久睡倦神。戒久讀。久讀苦神。人若調養得精神完固。何怕無解悟處。

士時

吾輩聰明不在人先。年力不在人後。安得蹉跎歲月。

成就一個懶惰。斷送駒隙哉。去日難追。來日宜當愛惜。昨宵已往。今宵切莫錯過。須要乘時鼓壯。埋頭芸窓。冬不爐。夏不扇。食不知味。如龍之養珠。鷄之抱卵。下幾年無滲漏工夫。方成萬選青錢。老天有知。必不令苦心人落魄。青年坎坷終身。

士藝

文章雖是末技。涵養到而後識趣真。盛意不可文。惧其決也。酒後不可文。惧其昏也。機太熟不可文。惧其

輕也。興未至不可文。惧其苦也。吟咏嘯傲。諧文之變。高明清賞。盪文之情。饑食困眠。弄文之機。登眺山水。拓文之氣。捐除世事。清文之神。流覽百家。大文之畜。如是。方得信手拈來。頭頭是道。

勸人及時爲學銘

人生在世。歲月如梭。年方少壯。切莫蹉跎。世務日拙。家事日多。失今不學。老大奈何。

農

四民之利。莫如農。農之依田。猶魚之依水。木之依土也。要知農人一身。父母妻子。五口八口。俱仰給於田。一日不耕。則衣食無從取辦。上農盡力開墾。力足而糞多。所獲自倍。歲之所入。常足以供歲之所出差糧。可辦器械。可易朝糲。夕飧。可給穰穰滿家。無復有所寒暑雨之苦。中農終歲勤動。亦足有秋。而饑饉無虞。下農則不耕不耘。西成無望。徒取妻兒之啼號而已。所謂惰農敗田也。試看仕宦之人。南州北縣。商賈之

人。天涯海畔。孰若農家。六親相對。歲時伏臘。父子骨肉。各相保無恙。其樂陶陶也。若徒手游食之夫。不務穡。不躬櫛沐。不知稼穡之艱難。自逸自諺。乃侮厥父母曰。昔之人無聞知。是坐享逸樂也。寧免溝中葶乎。一人耕而衆人食。欲其無爲饑寒。不可得也。

農家要乘天時

天地之生物。時而已。得其時。雖瘠土而收倍。失其時。則沃壤而徒勞。是以穀麥菽粟。皆當及時播種。庶用

力易而獲利多。

農家要盡人力

先期以戒種。相壤以耕耨。驗粒以鋤耨。竭力以勤本。率衆以集事。守一以候期。節用以濬源。預積以防歉。庶一年耕。足供三年之食。

農家要蓄水利

五穀資水以生。若無蓄蓄。專望雨澤。則雨或愆期。必失有秋之望。善治生者。每歲農隙。開鑿溝渠。無者掘

之有者浚之溝渠既深積水益廣可免旱荒之患。

工

工所以制器利用不可一日無也。若不通工易事則農困於貿遷。工困於授餽。余粟余帛積於無用之鄉而財用不其誦乎。國家鳩工聚財。凡陶冶械器之屬計程而食量績而食。未嘗耗無用之費。食無功之人然業有千門。擇術欲精。造作欲專。爲工者不思人之時日精神俱有限量。若乃虛費光陰。心血不一。功雜

無成則終日憧憧。祇自苦耳。諺云。養身百計。不如隨身一藝。又云。多藝多思。藝不精專。攻一藝可成名。良工匠心。其運斤成風之妙。固足以博厚精。擅名譽。卽藝成而下者。人持一技。家顯一門。隨力取值。亦足爲糊口之計。未有一藝隨身而不能挨排度日者。所以大富由命。小富由勤。予勸技藝之人。各踏實地。做生意。莫愛小便宜。莫瞞心昧已。莫作淫巧以眩人耳目。莫偷閒時日。以虛糜廩祿。莫外飾中磽。以售敝僞器。

如是則人工相得。既廩稱事。生計其日盛矣。嗟乎。工之僞也。於今爲甚。琢文刻鏤。窮人官之能。錦繡纂組。畢女紅之巧。畫棟雕梁。極靡麗之華。甚而一器一血。無不作奇技以蕩人心。而好異者。亦不吝厚價以償之。藝愈精而財愈訕。風俗之所以日貧而莫止也。

生業活計

人生天地間。不拘良賤賢愚。都要尋個生業活計。專心着實去做。若無田可耕。無貲本可商。無手藝可治。

生。則有澤可漁。有山可樵。有工可傭。有步肩可挑。種種皆本分事。若能勤心苦力。穩穩當當。就有許多日進。許多受用。視彼徒手游食。不免爲溝中瘠者。其於爲人賢不肖。何如也。

本分經營

工欲善其事。必先利其器。要之以心地爲主。心存忠厚。則必於本分上經營。一毫不苟取。藝精自厚。售功拙宜薄償。不可以僞易僞。自壞心術。所謂寧可直中。

取不可曲中求也。

商

四民之中。農本而商末。商所以濟農之不及也。為商者。誠欲通有無。權子母。總不出公誠二字。公則無私。市價不二。三尺之童。不欺趨市者。自歸之如流水。誠則無偽。不惟人懷其厚。天地鬼神亦且庇祐矣。

偽賈

列肆於廛。與市人貿易。先要存心地。心地好者。隨時

之豐歉為屈伸。而近悅遠來。所積日厚。如登壟斷而罔市。利用知術。販塩加之以灰。販米加之以水。販漆加之以油。諸如此類。或目下僥倖。少得微息。不知造物者。隨以他事取去。終於貧乏。豈不徒壞心術。

行商之苦

都會之地。乃萬貨湊集之處。為商者。攜有資斧。遠涉江湖。貿遷有無。以轉販四方。日防風波。夜防暴客。陸運防劫。夫之侵剋。水輪防舟人之暗算。過關津防奸

吏留難。到市廛。防經紀掛欠。耽饑忍餓。淪風宿雨。苦可勝言乎。

客商湯藏誨盜

良賈深藏。若虛甚。不可輕露財帛。經人耳目。少年純綺之子。經事日少。不知隄防。每於旅邸舟中。露囊帛之積。被人覷破。或爲舟夫所盜。或爲強人所掠。或爲同夥所竊。或爲邸主所取。不惟喪財。而且喪命。是藉寇兵而齎盜糧也。可不戒哉。

老商妙法

善操奇贏者。賤之微貴。貴之微賤。人棄而我取。人取而我與。察時變以稽歲功。考方輿以知地利。度人用以辨物宜。不强取巧索。不豐侈衣服。不蕩廢酒色。克勤克儉。隨往皆利。陶朱之富。可以致矣。

防盜

強盜劫人。多是出其不意。欺其無備。又恐業已進門。主人爲盜所執。則家人不敢噉味。鄰里不敢動手。如

人家牆垣稍謹。或盜至門首。有一人上屋。或一人堵門。盜必不得入。賊之入門。必先投進火把。若有入即滅之。盜亦不敢遽入。然則盜之伎倆。亦可知也。誠平時有禁約。令各家修理牆垣籬塹。又於二十三。四。五。初六七夜。射率男女紡織。稍有響動。即令人上屋。屋上多辨瓦石。又地方人等。互相救護。則盜自有畏而不敢近也。此余徒吾先生屢驗之言。

防賊時夜

諺云二十七八九。家家打鋪守。直待初十後。看家交與狗。蓋盜賊動手。多在無月光之夜。與一更以後。睡靜之時。至鷄鳴則止矣。自二十以至於廿八九。或二更無月可虞。或一夜無月可虞。故云。惟初十日以後。月光四更方沒。是以稍可緩也。又賊例云。偷雨不偷雪。偷風不偷月。因雨滴亂響。而雪恐有跡。風聲來雜。而月恐明照也。

每晚照看門戶

法

富貴之家門戶自有看門人役專司其事。若平常人家每晚須要主人親自領僕照看關閉。若有屋角空處。以反草堆櫃欄。俱要查看。恐有賊人躲藏。如有誠實子侄。或可代勞。但不可盡倚奴婢下人。恐致悞事。

加意防賊

人家但有喜慶戲酒過年時節。婚喪諸事。家人勞苦自然沉睡難醒。每有賊人專乘此時偷竊。須要小心謹防。門戶各處更要加意照看。久雨初晴。亦要加意。

沿牆裝板

城中居住。每有賊人挖壁洞之害。須將厚板三尺多高。上下粗枋。沿牆安釘。堅固賊雖挖洞。亦不能入矣。

安板防地洞

住房地基高。天井低。每有賊人將坡臺挖從地限而入。須將濶板枋。橫長安砌地下。木上再鋪磚。賊不能入。若住基不高。或屋留外一簷。或卧房有地板。俱無地洞之事。不必防。

竹把鋪瓦

屋上鋪瓦。今人多用蘆柴扎把。加放泥瓦。總不如用小堅竹。三四根扎緊。放旺磚上鋪瓦。不獨連牽結實。且免賊挖天洞之患。每瓦行俱安緊。不可鬆疎。

長拴

住房上明下暗格子。短拴之外。再加通長六扇一拴。兩頭活孔。納伏安緊。賊雖燒格眼手入。亦不能下拴。

大門鐵拴

大門鐵拴。須上下橫釘二條。左右鐵銷。再加橫木拴。鐵搭搭拴上。可保無虞。若無鐵搭。恐賊挖洞拔拴。

栗木門拴

各門上。俱用栗木爲拴。不獨堅固。且辟賊盜。

大門二門俱要釘呆

大門二門。上下枋俱要呆釘。門扇不可除得下。恐偶失照看。他人不能除門也。

房窗推板

卧房明窗之內。須再加堅實活推板。上下鐵鈎搭。每晚推閉搭緊。他人或加內格長栓。甚不如也。

櫃內暗夾銅鑼

凡鑿櫃內。收藏緊要物件。要於櫃門合縫中間。用繩帶繫小銅鑼於櫃內。將繩頭夾於縫中。外人不知。擅一開櫃。鑼即墜地而響。聲驚覺矣。其緊要倉庫門戶中縫。亦用此法最妙。若緊要箱傍。外夾銅鑼亦妙。

床傍備大響鑼

床傍放大銅鑼一面。木槌即藏於鑼之背面。一聞賊人入室。即連聲敲擊。一則隣人驚聞俱起共逐。一則賊人心虛驚走遠遁。此極妙良法。若房多人多之家。可多備大鑼。各各應接更妙。

留牆洞便於望看

人家住房。屋後屋傍。俱留碗大壁洞。平人肩高。常時用大木斷緊塞。一有賊盜聲息。即開洞望看。或放鳥鏡。或放弩箭。由洞面出。最為捷便。

防賊用弩箭極妙

弩弓一盒藏箭十餘枝不用安箭。一便也。接連而發甚是快速。二便也。輕小不費力。三便也。但箭尖須用桐油毒藥。湛過。總利害傷賊。

追賊防跌

賊人乖巧。每於有人之房門口。床面前。先堆攔木瓦器物。令起逐者。先自跌倒。凡欲趕賊。先須知此。

牆頭浮堆瓦斤

凡牆頭通路虛處。須高堆破鋼片破礮瓦。畧一跨動。則傾倒聲覺矣。或用整瓦砌花瓦。幾尺亦妙。

密室

收藏金寶密室。須屋上板旺以防天洞。地下地板以防地洞。壁內裝板。或裝木柵。以防壁洞。門用鐵裹。以防斧劈。火燒。天井中用橫木密架兩頭活轉。以防賊下。天井。牆頭。天井地下。走路各處多鋪鐵菱角。以防賊步。此

指極密之屋。若平常房舍則可不必。

夜莫大意

一聞門壁聲響。只以為賊。須將門戶各處照看。不可認作猫犬大意。每致悞事。

夜卧不可蒙頭

夜間睡卧。若將被連頭蓋合。外邊聲息不聞。每悞大事。且煖氣薰面。多患眼目。文易冒風。所以前人有夜卧不覆首。亦為養壽一法。

揚武

如年歲凶荒。必然賊盜蜂起。居鄉者。家畧有餘。難免小人窺竊。不可不為預防。嘗約同庄少壯者十餘人。或二十餘人。每晚輪流在各家庄前。各執鎗棍柳鑼。放鏡齊聲吶喊。三五轉。或輪飲小酌而散。再輪派值更鳴鑼。共約互相救應。令遠近小人知畏。反念暗銷。

看更

城中街巷。人家衆多。應約隣近公派看更。或十餘家。

或二十餘家一總。貧賤之家。酌量免派。每家一夜。每夜一二人。燈籠鎗棍柳鑼等物。公備輪流傳交。譬如十五家公派。每月止輪值二夜。每夜惟令二更起。至五更止。只在家門左右巡邏。公約各家。一有聲息。連聲敲鑼。高聲吶喊。眾皆起應。此法各坊各處。若俱力行。遍地賊盜。難以爲作。勝於柵欄禁夜多矣。賊多時此法最妙

暗施

不幸若遇年歲饑荒。有餘之家。不可推擁金穀。忍令

貧人餓斃而不救於心。何安。或自己田傍深挑溝。河或房屋週圍。修築牆壁。或壘挑塹岸。或起造房屋。但須工銀米穀。破例加添。令貧民暗受救濟之力。消許多歹念。而我又積德兼得實效。此人我兩利之法。

密借

賊盜中本來凶惡劫奪者少。因饑寒逼迫無奈而爲者多。如有餘之家。只在本家左右。鄉庄隣近。若遇荒年。可令家人密呼極貧之人。黑晚至家。不令人知。恐

生慚愧。米穀或一石。或三五斗。口云借與。俟豐年償還。不寫券約。不加利息。不揚名。不取討。還與不還。悉聽本人良心。鄉隣感沐。我之救濟。不獨不起。反意。卽有外侮。自必爭相救護矣。且又積許多陰德。

凶年獻穀賑濟

凡遇凶荒之時。若奉官長賑濟。有餘之家。當量力獻米穀若干。多少隨意。總之救得一人性命。則積一人之陰德。若坐推米穀。倘劫奪已搶。又將奈何。

夜晚不可談說賊盜事

俗云。晚間說賊賊脚癢。須宜戒之。

小心火燭

水火無情。治家者。第一要小心火燭。若遇大風之日。或久旱之時。更要加意謹防。灶門地下。須要時常掃淨。不可餘留碎草牽連。更不可將柴草堆近擁積。須離火門遠些。以防遺火。每日燒柴多少。量取多少。寧少莫多。但奴婢懶惰。須要勤看。灶下不可着小孩子。

燒火因其年幼好頑不知禍害多致悞事卽十三四歲亦須時加照看至於衰老龍鍾之人亦不可倚托恐好睡沉昏最悞大事各卧房冬天床上烘籠夏月帳內燒蚊息燈燭烘衣裳火爐餘炭吃烟紙捲事事小心時時謹防若有喜慶諸事匆忙更要留意。

柴屋

人家柴草若不多積一遇陰雨缺乏將何應用須另留空屋專堆柴草取草則開餘時鎖閉若無餘房未

免堆雜人叢則燈火難禁不如不積爲安。

防火歌

昔人有防火歌八句予添成二十句逐句細註已刻於快心集內今又重載是亦反復叮嚀之意。

火起無情勢莫當時時刻刻要隄防柴薪灶下少堆積暮夜廚房滿水缸老穉燒鍋須仔細睡眠酒醉熄燈光烘衣烘被常看守籬桶盛灰大不祥火炮店隣真利害油車屋近有驚惶吃烟落燼須踏滅剪燭餘

煤莫隱藏。掛燈要遠。蘆笆壁起火。恐落窮草房。街上
穢草休焚烈。許多蟲蟻命慘亡。天時風燥尤宜慎。歲
暮終須百事忙。爲人事事存天理。神靈自不降災殃。
引火之物堆僻處

救火

火起之時。先將近火房屋拉倒。令火勢空斷。自無延

燒之患。此第一妙法。卽火到屋上。急用麻搭火鈎。拉
倒有火梁柱。令火不高出。則易爲息滅。

水缸

廚中安大缸二隻。各貯滿水。用箬蓋蓋好。以免蛛尿
虫涎之毒。用此存彼。以防火患。但缸須在屋內纏好。
若在露天空處。最怕日晒有毒。食之多生癰疽。須另
篷遮陰。其水用一缸。隨將此缸底渾水刮盡。再挑入
新水。方可供食。凡米粒飯糲。皆不可撒入。有毒害人。

冬寒烘被

冬寒晚間烘被。予有二句曰。人一上床。火卽下床。切須謹記。更要將火籠安放空處。恐有衣物撒入。延燒之患。或將大磚一塊。壓息火炭。次日文可巴火。此最妙之法。至於老人小孩貪煖。不肯離火。始意不過畧烘一時。豈料忽然昏睡。每悞大事。切須禁戒。

奴婢衣被厚綿

冬寒之月。奴婢下人。每好偷藏火籠烘被過夜。殊不

知一時沉睡不醒。火起尚不知覺。最爲大害。常時須要諄切嚴戒。每晚須要細加查看。但奴婢衣被須與厚綿溫煖。若只知自己貂帽皮襖。紅爐煖閣。全不顧下人受凍受冷。惟令其不許烘火。不但不能服衆。且在一家之中。自己先喪良心矣。

湯壺

冬天老人怕冷。夜晚火籠烘被。既有火毒。又恐悞事。惟錫製湯壺。每晚用熱水滿貯。厚布包緊。安放被內。

可以放心溫暖。小孩病人俱當用此。或貧家用磚一塊燒煖布包溫被亦勝火籠多矣。

熄火把

夜晚點火把雖熄亦不可倚靠門格板柱。恐遇緊風一吹復又火着。予曾有友人以此被燒者。須安放空地爲穩。點火把行路遇有草屋草堆。切忌高舉。

香爐下置鐵板

家神龕內香爐下須安薄鐵板一大塊。一恐夜晚焚

香倒斷。一恐貓鼠跳墜。有鐵相隔。火自熄滅。

烘籠鐵絲蓋

冬天烘籠上鐵絲蓋。斷不可少。既無衣物墜撒。延火之害。又有煖茶壺。炙瓦硯之益。

有事加意防火

人家一遇喜壽喪祭時節宴會諸事。灶上烟火不斷。又兼人事匆忙。奴婢疲倦。爲家長者。厨中灶下各處。須要加意照看。

火籠放平地空處

火籠烘衣物須要四不占依。即衣帶垂墜亦不成害。

火籠飛火

茶爐酒爐之傍。凡有炭籃煤匙之類。俱放離遠。恐塌人時。火星四處飛墜。致悞大事。

認炭

炭以堅實光重者為上等。火能奈久。其虛鬆者易燼。

夏月收炭

若到冬寒買炭。不獨價貴。且又水濕難用。買炭須在夏月。水不入炭。而賣者亦不能加水。

地板下堆炭

房中安置地板。離地畧高。留一活板為門。便於啓閉。於夏月炭價賤時。堆藏若干。最收潮濕地氣。且炭又不過燥。好用。家人取出。又便稽查。極妙之法。

屋簷雨水不可供食

屋簷前雨水。只可留為洗衣物之用。不可供人飲食。

要知屋上。每多蛛屎。蛛糞。壁虎屎。糞。蜈蚣。虫涎。諸毒。又有猫糞。鳥糞。諸穢。食之不獨不潔。且生疽。生病。再遇久旱不雨之時。或在夏季。其毒更甚。如有大雨沖流之後。方可無忌也。

有雷雨水不可供食

雷有焰毒。凡有雷之雨水。飲之。腹脹生病。

坐忌搖膝拍地

八坐最要穩重。昔人謂行如流水。坐如山。總爲福壽。

之相。每有一等人。坐則將身。慣倚壁靠。凡者。亦有將足。慣躡膝上者。此雖不敬。尚無大碍。惟有坐下。將膝戰搖。又有將鞋尖打地。如拍板相似。此二種最爲貧賤之相。切須忌戒。凡見少年子侄。或有如此者。急加禁戒。若少年習慣。長大急難驟改。予正學歌內有二句曰。切忌膝搖鞋打地。最爲賤相。令人低。正此義也。

行忌輕浮轉擺

凡行走。須要身體穩重。而腿脚前在。猶如重船行水。

總爲上品。每有一等人身體輕浮。頭搖身擺。更有連肩背。左有搖轉者。決非有福之兆。

背剪手

兩手籠袖前抄。此是正理。切不可將兩手抄接背後而行。如背綁樣。最爲不祥。若在衙門內行走。站立。令有罪人見之。犯其所忌。大加吐罵。更爲不宜。

辟患眼染人

清晨遇有患眼者。多能傳染。隨後在淨水盆中。或水

缸水碗中。照過。則不能染。家有患眼者。只將厨灶上筋籠。用紅絲線紮緊。則不傳染。

養日

常時無事。則閉目靜養。譬如鏡雖光明。當不照時。卽用鏡袱蓋好。自然塵垢不入。光明奈久也。每常清晨天未明時。并將晚昏暗之時。俱不可強用目看書寫字諸事。最傷眼光。雀日眼。或未老眼昏。多因於此。不可久視日光。久視火。久久寫字看書。俱損人目。

小便洗眼患

患眼紅腫疼甚。一團肝火積聚。惟用旋下熱童便。以碗盛貯。乘熱開着眼睛淋洗。彼時雖覺少有折痛。却愈得快速。重者洗兩三次自愈。或用自己小便亦可。但不可用葱蒜韭韭。升飲燒酒黃赤之便。

患眼宜忌

患眼切不可水洗。若熱水洗更加重。冷水洗通住火。不洗爲妙。患眼切不可頻頻揉摸。恐因而生皮膜爲

害不小。患眼要頻頻洗足是引火下行也。患眼要頻頻梳篦頭髮是去火氣也。

灰物眯眼

凡遇吹灰飛砂小蟲等物入眼。痛甚難開。只用淨水一碗。以竹管插入水碗內口吹不住。其砂物自去。或令明眼人將眼捺開。用綿帕照砂物抹去。

用象牙筋

如用象牙筋。預先半日前放入淨水盆內浸透。用時

以布拭乾雖久用亦不油黃要知牙筋收藏箱櫃內自然乾燥一遇餽饌油湯自必侵入今先將水浸飽雖遇油湯亦不入矣凡牙筋不可日晒不可用熱水洗不可近爐灶煖處俱易於灣裂牙筋如灣可用淨水浸兩三日將灣筋安在直筋中間上下紮緊其灣筋自直平日收藏牙筋亦要上下紮緊不可散放

用銀鑲盃

篋絲銀鑲酒盃用過客散卽吩咐家人用潔淨濕布

拭淨陰乾不可過宿不可日晒亦不可水浸

敲門

官宦人家門戶自有管門僕役若平常人家房屋淺近凡敲門只宜徐徐輕敲不可急速高敲致令驚駭在夜晚更不可如在公門鄉紳之家更不可

立中穿走

凡兩三人坐立不可立於中間以背隔人凡兩三人共立不可從中穿走此皆取人之憎厭也

小兒衣服

小兒衣服須以父母或老人舊衣改造與穿。既不折福。又且軟熟。不擦肌膚。總以布綿爲上。不可卽與綉緞華麗。致減兒福也。

小兒煖帽

小兒煖帽當以前人製造。露頂垂蓋耳頸之舊式爲佳。至於新造。蓋頂煖帽。有皮滿帽。俱不宜也。且不可早戴。令兒頂陽氣上出。不獨頭無瘡癩之患。且皮肉

易於長養。須在十一月極寒之時。纔戴煖帽爲佳。其涼帽。惟以遮護顙門爲主。餘處透氣可也。

不許小兒敲弄破磁器

凡見破碎磁器。碗盞之類。卽遠堆空處。或掘地掩埋。小兒無知。每喜敲磁底。或敲圓磁塊。以爲戲頑。但磁鋼極利。若敲時屑湛入目。卽刻眼瞎。切須嚴戒。

不許小兒弄火

一星之火。能燒萬頃柴場。小兒每喜弄燈弄火。貪頑

忘記放處。或燒着物件。或點着紙草。爲害極大。

料物不可與小兒戲頑

年節內外。滿街都有賣料汁不動。并料汁琉璃喇叭。但此等耍物。最薄最脆。遍地小兒。每喜吹頑。若一吹破。吸入咽喉。無藥能醫。其破片極是鋼利。入目卽瞎。入腹腸斷。料絲燈上料絲。害亦同此。全在父兄切戒。

小魚不可與孩子吃

小魚刺多。大人尚且有鯁。何況小兒。若與自吃。恐口

饜性急。一時吞下。刺橫喉內。不上不下。痛極不止。雖醫救得好。已費盡心力矣。何必自投險難耶。

傷人器物收藏密處

凡茶酒水火爐。滾湯壺罐。利快刀斧錐釘。硝黃火藥。人信番木鱉諸毒之類。俱要收藏僻靜密處。不可令小兒并惡人相近。以及令其手弄頑耍。既恐誤傷。又恐短見也。諸傷人器物。亦不可放置泉邊。恐小兒無知。用手上勾。以致墜落爲害不小。予曾目見一小孩

用小銀簪戳粽而食無心中忽連簪誤吞。橫刺喉中。血流痛甚者。又曾見小兒在火爐傍戲耍。忽然炭斜湯罐倒落。烙兒滿身者。又曾見小兒尖釘在手。跌倒戳傷者。事後雖極力醫治。總不如未事預防也。

有兒之家不可種雞冠花

有兒之家。雞冠花切不可栽種。恐小兒無知。在花下一時仰面搖動花之種子。極易散落。一撒入眼。疼痛不已。無藥可治。每成瞽目。豈不可惜。

金珠不可大小兒

小兒衣帽切不可飾以金珠。前人諄切勸戒再三矣。凡兒之手鐲脚鐲。項圈鎖索。帽上之虎頭八仙獅珠等類。俱不可用。被友人剪竊奴婢偷匿。不過失落財物。尚爲小事。予曾見本城七巷內。有因一銀項圈被友人將兒頸扭壞。兒命隨絕。疑是城脚。取圈逃去。是此兒之命。乃銀圈殺之也。飾銀圈者。父母也。何異父母殺之乎。以性命博華麗好看。愚者不爲。是以有識

高人布衣林素省許多照管。免許多氣惱。心中何等快樂。况兒壽之長短。原有定數。一不因有鎖鑰而壽便延長。亦不因無鎖鑰而壽即夭促也。如鎖鑰能延壽命。惟富家兒蓋長年。而貧家兒俱夭壽。不由定數。而由鎖鑰。有是理乎。聽予此說。可以醒矣。

痘家禁忌

小兒痘症。看治諸法。醫書載之甚詳。予不復贅。惟痘家最要潔淨。如觸犯其忌。輕痘變重。重痘變危。深為

可慮。因列於此。保幼者。不可不存心也。

房中淫垢氣。

婦女經候氣。

狐臭漏腋氣。

酒醉葷穢氣。

蔥蒜韭薤五辛氣。

硫黃蚊烟藥氣。

硫黃花砲火藥氣。

黴爛蒸濕氣。

誤燒油髮鳥獸皮毛氣。

潑糞淋尿氣。

熬油煎卵氣。

一切腥臊氣。

炒製一切藥味氣。

遠行染帶一切汗雜氣。

焚燒腦麝諸香氣。

一凡外來生人僧道尼姑。不潔婦人。孝服病人。俱不可令其輟入房內。一不可掃房屋。致塵灰飛撲。

一不可動溝渠。啓溷廁。出糞潑糞。

一忌食冷水。瓜。果。梅。桃。黑。蜂。窠。香。鮮。物。炙。燻。物。酸。辣。五。辛。毒。物。

一忌食鷄。魚。塩。醋。五。辛。四。十。九。日。之。後。無。忌。

一卧處切忌幽暗。切忌有壁風。

一不可過飽過暖。亦不可受寒。受客熱。

一糕餅。糯。粽。粘。膩。堅。韌。難。化。諸。物。俱。不。可。與。食。

訟之起息利害

大凡好訟地方。多因有一種游手好閒的壞人。不能讀書。不會耕田。又不做工商買賣。終日流蕩搖擺。既沒本分事業。家計自無所出。遂而亂為。或倚着自己會說幾句巧話。或仗着自己能寫幾句刀筆。或靠着自已多有幾筋膂力。便到處尋事挑唆。包寫包告。小事架做大事。大事喪人身家。若再或納個監生。或徼幸進學。博領青衿。或吏員雜職。或消乏鄉紳。恃着讓

身有符猶如彪虎生羽翼。尊自大。敢作敢爲。把他人
的身家自己的果報都付之膜外。又備有一種不明
理。不怕王法的愚人。輕信易動。形如木偶。提線就動。
不論事之大小好友。理之是非曲直。專要好勝好強。
聽信這壞人一派謊話。就觸動了強勝的歪氣。甘心
順意。花錢費鈔。亂呈亂告。須知道撮上了場。好歹都
要自己去捱。俗語說得好。衙門向南開。有理無錢莫
進來。一告了狀子。衙門人的氣是要領受的。衙門裡

的銀錢要用的。下處的盤纏干証的囑付。都是要安
點花費的。用了許多銀錢。勞了許多精神。及至解審
若或徼幸。官事贏了。他便自己居功。百般需索。誇張
個不了。酬謝個不了。若或不幸官事輸了。輕則打板
子。重則夾夾棍。送牢問罪。百般受辱。可憐望救無門。
那挑唆的壞人。却又百般的推托。或說是那邊有大
情面。有大賄賂。你的勢力錢財。不能敵得過他。自然
必輸。怨恨何用。或說是你見官。毫無胆氣。全不會說

又不依我應答。怎的不輸。怪不得別人。怨恨何用。如此看來。贏了官事。他人居功。輸了官事。自捱夾打。豈不失算。又有已經府縣審斷過處。治過。又赴上司大衙門再告爲強。又要在府縣復告爲勝。全不想銀錢費而又費。身家辱而又辱。牽累日久。受了許多饑寒。悞了許多事業。勞了許多心機。吃了許多虧苦。騎虎之勢。欲罷不能。無極奈何。只得前往。若到了典田賣地。破家蕩產的時候。悔也悔不來。恨也恨不了。可憐

將往日千辛萬苦。血汗掙來的銀錢。破耗無存。文將往日支持的體面。一敗塗地。弄得個不上不下。走頭無路。免不得妻奴的報怨。親友們的笑話。甚至憂愁在心。抑鬱病死的。這都是受了挑唆人的大害。所以如此。要知道這挑唆人的。用心極壞。真個是確磨不動。雞犬無食。將兩家搦起事來。他在中間做得好人。賺得好錢。吃得好食。還要叫你們歡喜他。感激他。酬謝他。這樣壞人。只圖眼前快樂。全不顧自己男盜

女婿天災人禍變驢變馬決然難免。若到這果報的時候。雖有巧言刀筆。勢力顯官。都毫無用處。悔之已遲。真爲可憐。且這壞人設成陷局。令人墮其術中。全不知覺。就有人後來知道聽信挑唆。是件不好的事。已在受辱消敗之後了。悔之已遲。真爲可憐。我有要緊說話。各要存心切記。但凡兩人相爭時。須要忍讓。得這一時。只回頭認自己一句錯。那人聽見。就不好不休了。豈不省事。但凡兩人自是不反。只要冷言稱

他人一句是。那人聽見。就不好不休了。豈不便宜。又有人將冤屈來訴說。須要對他說。此事甚小。昔人還有極大的冤枉。如某某事情。又將奈何。那人聽見。就不好不休了。豈不快活。傳授四句歌曰。些些爭鬧不如休。莫經官府討。焦愁花錢捱打。荒田地。贏得貓兒輸去牛。時常念誦。心氣自然平和。結訟人能依我說。諸事忍耐。保你成家立業。不悞事。不費錢。不勞心。不求人。不害怕。不受辱。做一個真正好人。日夜坐卧都

是安穩的快樂極矣。峻訟人能依我說。從今改悔。士農工商。諸事俱可謀生。不做這等人。不賺這等錢。不吃這等食。見人有事。無論大小。苦口良言。只勸人和好。大事化爲小事。小事化爲無事。積許多功德。保許多妻子兒女。免許多冤恨。消許多禍害災殃。做一個真正好人。日夜坐臥。都是安穩的快樂極矣。我這許多說話。雖然粗直瑣碎。其實千真萬確。一些不錯。俱各聽從。念之思之。不可忽也。

